

四庫全書

史部

欽定四庫全書

史部  
山西通志卷三

詳校官監察御史<sub>臣</sub>查善長

檢討<sub>臣</sub>德生覆勘

總校官進士<sub>臣</sub>朱鈺

校對官編修<sub>臣</sub>勵守謙

謄錄監生<sub>臣</sub>任嘉春

欽定四庫全書

山西通志卷三

沿革一

地理之學自裴氏賈氏圖不傳後惟元和志通典為  
覈通典曰凡言地理者多矣在辨區域徵因草知要  
審察風土其論州部曰冀州唐虞之都以餘州所至  
則是其境曰漢晉并治晉陽曰後魏道武遷都平城  
太武時得蒲坂曰北齊神武天平末西伐至蒲津後

再圍玉壁不克於是河北自晉州之西悉入西魏大  
抵西則姚襄城洪銅晉州武平關置兵以防周曰大  
統中西魏得邵郡曰唐於山河形便分為十道一曰  
關內道三曰河東道曰魏地分野河東平陽文城大  
寧昌化之南境絳郡陝郡之北境曰趙地分野高平  
上黨樂平陽城榆林九原安北太原定襄都護府鴈  
門之西境樓煩之南境西河之東境此絲沿革覈疆  
域又絲沿革覈關隘星野乃地理之精言宋以後寰

宇記九域志通志通考胥莫之逮也

國家畫野分疆損益前代其制盡善而歷代沿革抑有  
宜遞稽而互覆者爰是綜厥槩畧附杜氏通典後以  
欽贊夏官職方氏之典司焉志沿革

山西省

唐都平陽

虞都蒲坂

舜典肇十有二州朱子曰中古之地但為九州曰冀兗

青徐荆揚豫梁雍禹治水作貢亦因其舊及舜即位以冀青地廣始分冀東恆山之地為并州其東北醫無閭之地為幽州又分青之東北遼東等處為營州而冀州止有河內之地今河東一路是也尚書傳禹治水之後舜分冀州為幽州并州正義以境界太遠始別置之馬融曰舜以冀州之北廣大置并州鄭康成曰舜以冀州南北太遠分衛為并

晉地理志虞舜表提類而分區宇判山河而考疆域冀

北創并部之名燕齊起幽營之號

竹書紀年帝舜三十三年夏后受命於神宗遂復九州

孔穎達曰禹登  
王位還置九州

陳氏經曰禹貢之作乃在堯時至舜時分九州為十二  
州至夏之世又分為九州

穀梁傳正義曰冀州者天下之中州唐虞夏殷皆都焉  
經濟編禹復并為九州商因之觀左傳九牧貢金商頌  
帝命式於九圍可見

爾雅兩河間曰冀州河南曰豫州河西曰雍州漢南曰  
荊州江南曰揚州濟河間曰兗州濟東曰徐州燕曰  
幽州齊曰營州 孫炎曰爾雅與禹貢職方皆不同  
疑殷制 通典殷湯亦為九州分統天下註冀荆豫  
雍揚兗徐幽營則禹貢青州也

周禮職方氏掌天下之圖乃辨九州之國使同貫利東  
南曰揚州正南曰荊州河南曰豫州正東曰青州河  
東曰兗州正西曰雍州東北曰幽州河內曰冀州正



北曰并州

經濟編禹貢之冀兗青徐揚荆豫梁雍夏制也爾雅之幽冀營兗徐揚荆豫雍商制也職方之揚荆豫青兗雍幽冀并周制也

通考秦置郡河東今河東絳郡陝郡之北境平陽大寧文城等郡皆是也上黨今上黨高平樂平陽城等郡皆是也太原今太原西河昌化定襄及鴈門之南境樓煩等郡皆是也代郡今安邊及馬邑之北境皆是

也鴈門今馬邑之南境鴈門之北境皆是也雲中今雲中單于府是也

漢武帝置十三部刺史不常所理 涼州部五原雲中定襄鴈門 幽州部代郡 并州部太原上黨西河四方凡四郡 司隸校尉部弘農河內河東

漢并州領郡九兼得雍州之域自上郡以北朔方九原榆林新秦銀川之地胥屬焉

後漢亦為十三州部 司隸 并治晉陽

魏志建安九年太祖領冀州牧或說宜復古置九州則冀州所置者廣大天下服矣太祖將從之荀彧言曰若是則冀州當得河東馮翊扶風西河幽并之地所奪者衆必人人自恐不得保其土地守其兵衆也願公急引兵先定河北天下大定乃議古制太祖遂寢

九州議

魏有州十二 司隸 并

正始八年夏五月分河東之汾北十縣為平陽郡

晉分九州部 司州 并治晉陽

晉志并州按禹貢蓋冀州之域舜置十二牧則其一也  
周禮正北曰并州其鎮曰恆山春秋元命苞云營室  
流為并州分為衛國州不以衛水為號又不以恆山  
為稱而云并者蓋以其在兩谷之間也漢武帝置十  
三州并州依舊名不改統太原雲中上郡鴈門代郡  
定襄五原西河朔方十郡又別置朔方刺史後漢建  
武十一年省朔方入并州靈帝末定襄雲中五原朔

方上郡等五郡並流徙分散建安十八年省入冀州  
二十年始集塞下荒地立新興郡後又分上黨立樂  
平郡魏黃初元年復置并州自陘嶺以北并棄之至  
晉因而不改

惠帝改新興為晉昌郡及永興元年并州之地皆為劉  
元海所有元海乃以雍州刺史鎮平陽幽州刺史鎮  
離石及劉聰攻陷洛陽置左右司隸各領戶二十餘  
萬萬戶置一內史凡內史四十四人又置殷衛東梁

西河陽北兗五州矣懷安新附劉曜徙都長安其平陽以東地入石勒勒平朔方又置朔州自惠懷之間離石縣荒廢勒於其處置永石郡又別置武鄉郡及苻堅姚興赫連勃勃并州竝徙置河東又姚興以河東為并冀二州云

後魏都平城

隋開皇二年廢諸郡尋以戶口滋多析置州縣煬帝改州為郡置司隸刺史

唐貞觀元年分十道 關內弘農五原西河雲中之境

河南漢弘農境 河東古冀州之域漢河東太原

上黨西河鴈門代郡及鉅鹿趙國常山廣平國之地

河北參有河東上黨地

唐因山川形便分道蓋太宗經畫區宇之樞要也

開元中置河東採訪處置使治蒲州

宋地理志太宗分十五路仁宗析十八路神宗析二十

三路河東今山西之太原平陽二府澤潞汾遼沁五

州陝西之葭州及吳堡神木府谷三縣 陝西永興

軍路今河南之陝州山西之蒲解二州及平陸縣  
置河東路經畧安撫使以太原守臣兼領

宋河東路蓋禹貢冀雍二州之域而冀州為多其地  
東際常山西控党頂南盡晉絳北控雲朔太宗平太  
原慮其恃險徙州治焉然猶為重鎮屯精兵以控邊  
部云

遼 西京道

金 西京路 河東北路 河東南路



元地理志唐以前以郡領縣而已元則有路府州縣四  
等大率以路領州領縣而腹裏或有以路領府府領  
州州領縣者其府與州又有不隸路而直隸省者  
河東山西道乃腹裏也故冀寧諸路直隸省部

置河東山西道宣慰使司於大同河東山西道肅政  
廉訪司於冀寧

明置山西等處承宣布政使司領太原平陽大同潞安  
四府澤汾沁遼四州置山西都指揮使司領太原左

太原右太原前振武平陽潞州鎮西七衛保德州寧  
化沁州汾州四所又置山西行都指揮使司領大同  
前大同後大同左大同右天城陽和鎮虜玉林高山  
雲川朔州威遠安東中屯十三衛山陰馬邑二所置  
山西等處按察司分冀寧冀南冀北河東等四道兼  
察諸府州衛所三司竝治太原而行都司則分治於  
大同萬曆二十三年改汾州為府山西始領五府三

州

國朝因之康熙四年裁冀南冀北道雍正二年析太原  
之平定忻代保德平陽之解絳吉隰為直隸州以壽  
陽等縣分隸三年改置朔平寧武二府設右玉等縣  
六年陞澤蒲二州為府設永濟鳳臺等縣而以大同  
府屬之蔚州歸直隸宣化府其廣靈等三縣仍隸大  
同八年又析蒲州府臨晉縣之南境設虞鄉縣於是  
山西省總領九府十州分治州縣九十有六

太原府地表

總部

郡國

州縣

唐

冀州

虞

并

夏商

冀

周

并

晉

晉陽 涂水 陽祁

梗陽 平陵

趙

晉陽 梗陽 榆次

秦

太原郡

漢

并

太原郡

晉陽 榆次 狼孟 鄆

陽曲 大陵 祁 陽邑

鴈門郡

樓煩

後漢

并州

太原郡

晉陽 榆次 狼孟 鄆

陽曲 大陵 祁 陽邑

魏

太原郡

晉

并州

太原國

晉陽 陽曲 榆次 狼孟

陽邑 大陵 祁 鄆

北魏

并州

太原郡

晉陽  
祁榆次  
鄆受陽

長安  
陽邑

肆州

永安郡

陽曲

朔州

寄治并州界

大安郡

廣寧郡

神武郡

太平郡

附化郡

雲州

永熙中寄治并州界

盛樂郡

雲中郡

建安郡

真興郡

蔚州

永安中寄治并州鄆縣界

始昌郡

忠義郡

附恩郡

北齊

并州省

後周

并州總管府

隋

冀州

太原郡

晉陽 太原 交城 汾陽

文水 祁 榆次 太谷

樓煩郡

嵐城 臨泉

唐 北都

河東道

太原府

太原 晉陽 太谷 祁

文水 榆次 清源 交城

嵐州

陽曲 宜芳 合河 嵐谷

五代

後梁  
屬晉

河東軍節度并州



後唐 西京 北京

後晉 河東軍節度

宋 河東路 太原府 陽曲 太谷 榆次 文城

文水 祁 清源 平晉

大通監 永利監 嵐州 宜芳

合河 樓煩 岢嵐軍 嵐谷

金 河東北路 太原府 河東軍總管府 陽曲 太谷 平晉 清源

徐溝 榆次 祁 文水

交城

嵐州 宜芳 合河 樓煩

岢州 嵐谷

元

河東山西道

前政廳  
訪司

冀寧路

總管  
府

陽曲 文水 平晉 祁縣

榆次 太谷 清源 交城

徐溝

興州 嵐州

明

山西布政司

太原府

陽曲 太原 榆次 太谷

祁徐溝清源交城

文水

奇嵐州嵐縣興縣

國朝

山西布政司 太原府

陽曲太原榆次太谷

祁縣清源徐溝交城

文水奇嵐州嵐縣興縣

太原府

上古金天氏之裔子曰臺駘肇居太原

杜預左傳註太原晉陽也臺駘

所居陶唐為冀州之域

禹貢既修太原至於岳陽師古曰太原即今之晉陽

虞隸并

州夏商省入冀周隸并州成王封弟叔虞於唐都晉陽

子燮父更號晉春秋為晉國戰國時屬趙秦置太原郡

漢因之治晉陽屬并州東漢仍隸并州析廣武原平二

縣屬鴈門郡建安中省并入冀魏復隸并州晉建太原

國治晉陽惠帝永興後為劉淵石勒所據北魏仍置太

原郡隸并州治晉陽北齊置并州省建別宮於晉陽周

平齊置并州六府後置總管廢六府隋開皇二年置河

北道行臺九月改為總管府大業初州廢為太原郡唐  
武德元年改為并州總管府三年廢四年復置總管其  
年改為上總管五年又改代石二總管其年改上總管  
為大總管六年又改朔州總管七年改為都督府龍朔  
二年進為大都督府天授元年置北都兼都督府開元  
十一年又置北都改并州為太原府天寶元年改北都

為北京

新唐志神龍元年罷北都開元十一年復號北都  
天寶元年曰北京上元二年罷肅宗元年復為

北五代唐莊宗建西京又改北京軍曰河東宋太平興

國四年平北漢降為緊州軍事毀其城徙治榆次縣七年徙治唐明監舊領河東路經畧安撫使至和元年以并

州為太原府

明一統志嘉祐中復為太原府兼河東軍節度

元豐為次府大觀

元年升大都督府金初改軍曰武勇復名并州太原郡

隸河東軍總管府置轉運司元太祖十一年立太原路

總管府大德九年改冀寧路隸河東山西道肅政廉訪

司明初改為太原府置太原左右前三衛萬厯中改汾

州為府割永寧寧鄉臨縣分屬始統州五縣二十

國朝因之雍正二年析平定州忻州代州保德州為直隸州又析樂平壽陽孟縣入平定州定襄靜樂入忻州五臺崞縣繁峙入代州河曲興縣入保德州八年仍以興縣屬府於是太原府統州一縣十一

陽曲縣

附郭

周戰國趙狼孟邑綱目秦伐趙取狼孟

秦為狼孟縣地隸太原府

漢置陽曲縣在今縣東北八十里忻州定襄縣境應劭

金史地理志卷三  
三  
曰黃河千里一曲當其陽故曰陽曲

後漢末徙治太原縣北四十五里建安十八年春三月  
隸冀州二十五年冬十二月復隸并州

魏武帝徙陽曲縣民於太原北狼孟南境築城居之

晉屬太原國

北魏以陽曲縣隸永安郡

隋隸太原郡開皇六年改為陽直顏師古曰隋文帝自  
以姓楊惡陽曲之號故改名十六年徙治汾陽故城



改曰汾陽復分治孟縣大業初廢

唐叢隸北都太原郡武德三年析陽直置汾陽縣七年

省陽直更汾陽曰陽曲仍徙治陽直廢縣其年又析

置羅陰縣貞觀元年省六年以蘇農部落置燕然縣

隸順州八年僑治陽曲十七年又省燕然縣入陽曲

宋火赤太平興國七年二月始徙并州治縣南唐明鎮

徙縣治於西郭外

金倚天會中移置郭下大定間割榆次之西北鄉屬焉

元中倚郭隸冀寧路

明為太原府附郭

國朝因之編戶舊八十六里今六十三里

太原縣

府城西南四十里

唐堯始都於此後遷河東平陽堯遷實沈於大夏杜預曰大夏今晉陽縣唐人是因以服事夏商其季世曰唐叔虞

周成王封唐叔於夏墟杜預云夏墟大夏今太原晉陽

也春秋為晉趙氏食邑始名晉陽戰國時屬趙

秦置晉陽縣為太原郡治所

漢因之

後漢并州刺史治

晉建太原國都晉陽

北魏隸太原郡真君九年罷榆次屬焉

北齊河清四年徙晉陽於汾水東而於城中置龍山縣

帶太原郡

隋開皇初郡廢十年省龍山縣徙晉陽於城中舊唐志  
隋文帝於州城內古晉陽城置晉陽縣而於城東置  
太原縣十六年又析太原置清源縣大業初省十二  
年徙太原縣入府城

唐赤仍隸太原府貞觀十一年長史李勣築城於汾水  
東遂置太原縣於東城天授元年建北都暨晉陽竝  
為赤縣

五代不改

宋中太平興國四年廢晉陽縣置平晉縣於故城東隸  
太原府咸平四年置永利監兼領縣事熙寧三年廢  
平晉縣入陽曲政和五年復

金仍隸太原府貞祐四年廢興定元年復

元下隸冀寧路

明洪武四年徙縣治於汾河西故唐城基之南洪武八  
年三月改為太原縣隸太原府

國朝因之編戶舊五十里今五十里

榆次縣

府城東南六十里

周晉大夫祁氏邑魯昭公二十八年晉析祁氏之田置

涂水縣戰國時屬趙始名榆次

秦莊襄王二年蒙鶩取趙榆次

漢置榆次縣隸太原府莽曰太原

晉隸太原國又析餘地為壽陽縣

北魏真君九年省入晉明景明元年復

北齊省入中都縣

隋開皇中仍名榆次徙漢故城東北隅廢中都來屬又  
析餘地為清源縣

唐畿隸太原府

五代仍舊

宋次畿太平興國四年平太原毀其城徙治榆次五月

更名并州封圻四百餘里七年徙治唐明鎮縣仍屬  
金大定初以地廣民衆割其東三百戶入壽陽西四千  
五百戶入平晉南三千七百五十戶入太谷西南六

百戶入徐溝西北八百戶入陽曲榆次尚存三萬二千六百餘戶

元下隸太原路

明隸太原府

國朝因之編戶舊一百八里今七十六里

祁縣府城南一百五十里

周春秋時祁奚邑魯昭公二十八年晉分祁氏之田為七縣命賈辛為祁大夫杜預云今太原祁縣戰國時



屬趙

秦隸太原郡

漢因之高祖六年封繒賀為祁侯莽曰永

晉隸太原國

北魏隸太原郡太和中并州別駕徙縣治於西北即今

治

北齊天保中省

隋開皇中復

唐畿隸太原府武德三年隸太州開元中州廢仍屬

五代

宋次畿

金貞祐中以尚書左丞胥鼎議於縣東團柏鎮置幘州

縣屬焉州尋廢興定中隸晉州

元初廢晉州仍隸太原路

明隸太原府

國朝因之編戶舊四十五里今三十一里

太谷縣 府城東南一百二十里

周春秋時晉大夫陽處父邑戰國時屬趙

秦隸太原郡

漢置陽邑縣隸太原郡莽曰繁穰

後漢明帝時封馮魴為侯國

晉屬太原國

北魏真君九年省景明二年復

後周建德四年徙西四十五里即今治

隋開皇三年郡廢以縣屬并州十八年改曰太谷以縣  
西南有太谷故名

唐畿武德三年以太谷祁二縣置太州六年州廢仍隸  
太原府

五代

宋次畿隸太原府

金大定中割榆次縣修文仁義二鄉三千七百五十戶  
來屬興定四年於清源置晉州以太谷隸焉

元下州廢仍隸太原路

明隸太原府

國朝因之編戶舊八十三里今四十二里

徐溝縣

府城南八十里

漢榆次縣之梗陽鄉莽曰太原亭

金以前為清源縣地本名徐溝鎮大定二十九年始東

割平晉縣斷金鄉十三村西割清源縣梗陽鄉十一

村南割榆次縣西管鄉四村為縣隸太原府興定四

年改隸晉州

元下廢晉州隸冀寧路

明隸太原府

國朝因之編戶舊一十九里今一十二里

清源縣 府城西南八十里

周春秋時晉邑魏獻子以魏戍為梗陽大夫杜預云在

太原晉陽縣南

漢書并州南有梗陽城

晉屬榆次縣西境

北魏省榆次縣隸晉陽景明元年復縣仍隸焉

隋開皇十六年始置清源縣西北有清源水故名大業

初省入晉陽舊唐志隋於古梗陽城置清源縣

唐畿武德元年復清源縣隸太原府

五代

宋次畿

金大定二十九年始析徐溝鎮為縣

元下隸冀寧路

明隸太原府

國朝因之編戶舊二十八里今二十八里

交城縣

府城西南一百二十里

漢晉陽縣之西境

北齊於此置牧官

隋分晉陽置交城縣取縣西北古交城為名治交山舊志開皇十六年置以東北汾孔二河交流故名隸太



原郡

唐畿隸太原府天授初徙治山南却波村先天二年於故縣析置盧川縣開元二年省

五代

宋次畿太平興國四年以縣屬大通監七年徙唐明監寶元二年以監隸沁州縣上屬之嘉祐四年復來屬宋志又云開寶二年自大通監來隸

金

元隸冀寧路

明隸太原府

國朝因之編戶舊四十三里今二十五里

文水縣

府城西南一百六十里

周春秋時為晉平陵邑戰國時趙肅侯十六年游大陵

徐廣注太原有大陵縣亦曰陸

漢為大陵縣隸太原郡莽曰大寧

晉隸太原國

北魏置受陽縣隸太原郡有大陵城

隋開皇十年始改受陽縣為文水取縣以西文谷水為

名

唐叢武德三年隸汾州六年來屬七年又隸汾州貞觀

元年復舊天授二年更名武興以武后鄉里與太原  
晉陽竝為京縣神龍初復舊

五代

宋次叢

金隸太原府

元中隸冀寧路

明隸太原府

國朝因之編戶舊七十九里今七十里

岢嵐州

府城西北二百八十里

秦太原郡地漢因之舊志漢為汾陽縣

北魏文獻通考魏置岢嵐鎮又置軍明一統志後魏於此置嵐州地形志不載

北齊舊志為蘇孤戍

隋舊志舊岢嵐軍在宜芳縣北界明一統志隋改岢嵐  
鎮隋志靜樂舊置岢嵐

唐長安三年析宜芳於岢嵐舊軍置嵐谷縣隸嵐州神  
龍二年廢縣置軍開元十二年復置縣永淳二年以  
岢嵐鎮為柵長安三年為軍景龍中張仁直徙其軍  
於朔方留者號岢嵐守捉隸大同

五代舊志後唐為安元城漢為岢嵐軍

宋太平興國五年以嵐州嵐谷縣建岢嵐軍仍置嵐谷縣熙寧三年縣廢元豐六年復咸平五年併樓煩縣入嵐州縣志真宗以樓煩郡隸嵐州又與岢嵐合為一靖康二年屬金改為居順郡

金

下刺史

大定二十三年改軍為州隸河東北路仍置

嵐谷縣貞祐三年九月升防禦四年正月升節鎮復為防禦

元隸冀寧路省入嵐州至元二年復省入管州五年復

置

明初建鎮西衛洪武七年設岢嵐縣九年改為州隸太原府而以興縣嵐縣隸焉

國朝因之雍正三年嵐縣直隸太原府八年興縣繇保德州改隸太原府編戶舊十一里今仍舊

嵐縣 府城西北二百六十里

漢通考宜芳有古秀容城漢為汾陽縣屬太原郡即積粟所在謂之羊腸倉

北魏為北秀容地爾朱羽健居秀容川詔割方三百里  
封之即此後爾朱兆北保秀容齊獻武自晉陽襲之  
一日一夜行三百里

隋舊志隋樓煩郡嵐城縣

唐武德四年置東會州改嵐城為宜芳縣隸東會州又  
以北和州之太和縣來屬又析嵐城置合會豐潤二  
縣自故樓煩郡城徙嵐州治於廢東會州置嵐州為  
下州五年省豐潤入宜芳六年改宜芳縣屬嵐州九



年又省合會入宜芳天寶元年復為樓煩郡乾元二年復為嵐州宜芳嵐谷竝為中縣

五代後周時嵐州入東漢

宋嵐州下樓煩郡軍事領宜芳合河流煩三縣太平興國五年析嵐谷縣建奇嵐軍宜芳為中縣

金仍名嵐州為下州隸河東北路天會六年置鎮西節度使領宜芳合河樓煩三縣

元隸太原路至元五年省入管州五年復立

明改為縣隸太原府崞嵐州

國朝直隸太原府編戶舊三十二里今一十一里

興縣

府城西北四百一十里

晉隸新興郡

北齊置蔚汾縣隸樓煩郡明一統志後魏置隸神武郡  
隋大業四年改臨泉仍隸樓煩郡

唐中隸嵐州武德三年改曰臨晉四年隸東會州九年

省太和縣入焉貞觀元年更名合河三年復置太和

縣八年又省入合河

宋

中下

仍名合河縣中隸嵐州縣志元豐間以瀕河地

狹東徙五十里即今治更名蔚汾隸奇嵐州

金仍為合河縣隸嵐州元志金升興州隸太原路

元仍為興州隸太原路縣志中統二年改為合河縣三年復舊

明名為興縣隸太原府奇嵐州

國朝隸府雍正三年析保德州為直隸州以興縣隸焉

八年仍改金縣隸太原府編戶舊一十四里今四里  
平陽府地表

總部

郡國

州縣

唐都 冀

虞 并

夏 冀

商

周 并

晉 冀都  
絳都

平陽 楊氏 曲沃

揚

霍

秦

河東郡

漢

司隸校尉

河東郡

臨汾 平陽 襄陵 毘

揚 絳

後漢

司隸校尉

河東郡

揚 平陽侯國 臨汾 絳

永安 襄陵

魏

司州

平陽郡

晉

司州

平陽郡

平陽 揚 永安 襄陵

絳 邑 臨 汾

北魏

晉州

平陽郡

禽昌 平陽 襄陵 臨 汾

秦平

北絳郡

北絳

永安郡

永安 揚

冀氏郡

冀氏 合陽

南絳郡

南絳 小鄉

義寧郡

團城 義寧 安澤

東雍州

正平郡

曲沃

晉州

以下五郡 晉 孝昌  
天平 興和 間 寄治

北五城郡

平陽  
郡界

定陽郡

數城郡

五城郡

西河郡

北齊

後周

絳州

晉州

隋

冀州

絳郡

翼城 曲沃 太平

臨汾郡

臨汾 襄陵 冀氏 揚霍邑

汾西 岳陽

西河郡

永安 靈石

唐

河東道

晉州 平陽郡 臨汾 洪洞 神山 岳陽

霍邑 趙城 汾西 冀氏



絳州絳郡 太平曲沃翼城

河中府河東郡襄陵

汾州西河郡 靈石

後梁

晉州

初曰定昌郡  
後曰建寧軍

後唐

晉州

建雄軍

宋

河東路

平陽府

建雄軍節度

臨汾洪洞襄陵神山

趙城汾西霍邑冀氏

岳陽和川

絳州

曲沃 太平 翼城

汾州

靈石

金

河東南路

平陽府

臨汾 襄陵 洪洞 趙城

霍邑 汾西 岳陽 浮山

和川 冀氏

絳州

曲沃 翼城 太平

河東北路

汾州

靈石

元

河東山西道

肅政廉訪司

晉寧路

臨汾 襄陵 洪洞 浮山

汾西 岳陽

絳州

太平 曲沃 翼城

霍州

霍邑 趙城 靈石

明

山西布政司 平陽府

臨汾 襄陵 洪洞 浮山

趙城 太平 岳陽 曲沃

翼城 汾西 霍州 靈石

國朝

山西布政司 平陽府

臨汾 襄陵 洪洞 浮山

趙城 太平 岳陽 曲沃

翼城汾西靈石霍州

平陽府

禹貢冀州之域本唐堯所都以其地在平水之陽故名  
春秋屬晉戰國屬魏秦為河東郡地漢因之魏析河東  
置平陽郡晉因之劉淵稱漢建都於此後魏真君四年  
置東雍州太和十八年罷改置平陽郡孝昌中兼置唐  
州建義元年改晉州通考置總管府治白馬城東魏北齊晉為重鎮  
後周置總管隋開皇間府廢改平陽為平河郡大業初

置臨汾郡

明一統志隋改郡為平河尋廢為州

義寧二年復改平陽郡唐

武德元年改為晉州三年置總管府管晉絳沁呂四州

貞觀六年廢都督十二年徙治平陽古城天寶元年改

州曰平陽郡為望郡乾元元年復為晉州平陽郡治臨

汾屬河東道後梁開平中置定昌軍以節度使領之尋

改建寧軍後唐同光初改建雄軍宋初仍名晉州為望

州置建雄軍節度政和六月八月陞為平陽府屬河東

路靖康後入於金金初為次府仍置建雄軍節度使屬

河東南路天會六年陞總管府置轉運司為上府興定  
二年十二月降為散府元初置平陽路總管府為上府  
大德九年改晉寧路領錄事司洪武二年復改平陽府  
隸山西布政使司領州六縣二十九萬曆二十三年陞  
汾州為府割靈石縣隸焉四十二年又以石樓縣隸汾州  
易靈石隸府領州六縣二十八

國朝因之雍正二年析蒲州解州絳州吉州隰州為直  
隸州又析臨晉猗氏萬泉滎河隸蒲州安邑夏縣平陸

芮城垣曲隸解州太平襄陵河津稷山隸絳州鄉寧蒲  
縣隸吉州汾西大寧永和隸隰州七年以聞喜絳縣隸  
絳州易太平襄陵隸府九年析隰州之汾西仍隸焉於  
是平陽府統州一縣十一

臨汾縣

附郭

唐應劭曰堯都也在平河之陽地道記平陽有堯城

周韓武子元孫貞子居此舊志韓康子食邑

秦隸河東郡

漢始置平陽縣隸河東郡

後漢為侯國

魏

晉為平陽縣隸平陽郡

北魏真君六年併平陽縣入禽昌太和十一年復隸平陽郡  
隋改平陽縣曰臨汾為臨汾郡治舊通志隋置平河郡  
縣亦曰平河後郡罷以縣屬晉州尋改縣曰臨汾大  
業中州廢置臨汾縣仍屬



唐望武德元年析洪洞臨汾置西河縣貞觀十七年省

入臨汾

宋望隸平陽府

金天會六年定為次赤

元

中

倚

隸晉寧路

明隸平陽府附郭

國朝因之編戶舊一百五十一里今六十七里

襄陵縣

府西南三十里

周晉大夫卻犇食邑漢志應劭曰襄陵在西北師古曰  
晉襄公之陵

漢始置襄陵縣隸河東郡莽曰幹昌

魏

晉公相國

北魏治襄陵城神麌元年太武擒赫連昌析置禽昌縣  
北齊併襄陵入禽昌

隋大業初又改為襄陵隸臨汾郡

唐緊隸晉州元和十四年隸絳州太和元年改隸河中

府明一統志唐徙治汾水西

後晉屬絳州後改屬河中府

宋緊隸平陽府熙寧五年廢慈州鄉寧縣分隸焉

金

倚  
次畿

元中隸晉寧路

明隸平陽府

國朝因之雍正二年改隸絳州七年仍隸平陽府編戶

舊七十二里今二十九里

洪洞縣 府北六十里

周左傳晉分羊舌氏之田為三縣僚安為楊氏大夫杜  
預注平陽楊氏縣地道記有梁城去縣五十里叔向  
邑也漢志應劭曰故楊侯國

秦漢置楊縣隸河東郡莽曰有年亭

魏晉隸平陽郡後廢

北魏太和二十一年復隸永安郡治楊城舊志東魏

隸晉州總管府

隋隸臨汾郡義寧元年更名洪洞取縣北嶺名明一統志以鎮為名

唐望隸晉州平陽郡武德元年析置西河縣

宋紫隸平陽府熙寧五年以趙城縣省入元豐三年復

金次畿

元中隸晉寧路

明隸平陽府

國朝因之編戶舊八十九里今四十六里

浮山縣 府東九十里

漢河東襄陵縣地

魏晉北魏晉隸晉州平陽郡縣志後魏置葛城縣魏志  
不載北齊自襄陵縣入禽昌縣志後周以葛城故地  
為郭城縣

隋大業初仍改襄陵縣志隋復以郭城入襄陵

唐 中 武德二年析襄陵置浮山縣四年以老子祠更名

神山隸晉州平陽郡

五代

宋上隸平陽府明一統志宋自郭城徙今治舊通志云

後唐徙

金次畿大定七年更名浮山興定四年更名忠孝

元下仍名浮山隸晉寧路

明隸平陽府

國朝因之編戶舊十八里今八里

趙城縣

府北九十里

周穆王封造父地春秋時趙簡子居之

漢河東彘縣地

東漢永安縣地

北魏永安郡永安縣地形志永安縣有趙城

隋霍邑縣地隸臨汾郡義寧元年始析霍邑置趙城縣

隸臨汾郡

唐上隸呂州後隸晉州麟德元年徙治西南三十里即今治



五代仍舊

宋上熙寧五年省為鎮隸洪洞元豐三年復為縣政和

四年七月以造父始封地陞為慶祚軍

金次畿

元下隸霍州

明洪武三年改隸平陽府

國朝因之編戶舊三十七里今三十五里

太平縣府西南九十里

周博物記臨汾有賈鄉賈伯邑

漢河東郡臨汾縣地

魏

晉公相國隸平陽郡

北魏真君七年置秦平縣併入太和十一年復

北齊省臨汾縣入焉

後周避太祖諱改曰太平

隋隸絳郡明一統志初屬晉州後移於關東北

唐緊貞觀七年置太平門明一統志唐關原治又徙敬

德堡舊通志云即今治

宋望熙寧五年廢慈州以鄉寧縣分隸焉

金元中

明洪武二年改隸平陽府

國朝因之雍正二年改隸絳州七年仍隸平陽府編戶

舊五十四里今二十七里

岳陽縣

府東北一百一十里

漢穀遠縣地隸上黨郡莽曰穀近又為猗氏縣地

東漢仍為穀遠縣地

魏

晉

北魏建義元年置安澤縣隸義寧郡建義元年割平陽

置冀氏郡領冀氏合陽二縣

北齊廢冀氏郡又廢合陽入冀氏

隋大業初改安澤為岳陽縣隸臨汾郡縣志開皇十六

年改屬沁州大業二年改岳陽以在霍岳之南故名

唐中與冀氏竝隸晉州移池東池堡徙今治

宋中下隸平陽

金次畿

元下至元三年省冀氏縣入岳陽四年復置併岳陽和

川二縣入焉後復改為岳陽省冀氏縣入焉隸晉寧

路

明隸平陽府

國朝因之編戶舊一十八里今七里

曲沃縣

府南一百二十里

周屬晉

漢河東郡絳縣地

東漢絳邑縣地

晉隸平陽郡

北魏太和十一年始置曲沃縣屬正平郡

北周建德六年廢明一統志移治樂昌堡

隋隸絳郡明一統志移治絳邑故城即今治

唐望隸絳州

宋望

金劇

元下

明改隸平陽府

國朝因之編戶舊六十六里今三十六里

翼城縣

府東南一百二十里

周左傳杜注翼晉舊都在平陽絳邑縣東

按晉獻公始都絳杜注今平陽絳邑縣

漢河東郡絳縣地

晉絳邑縣地

後魏置北絳郡暨北絳縣

後齊廢新安縣併南絳郡入焉

隋開皇初郡廢十八年改翼城縣隸絳郡義寧元年置

翼城郡領翼城絳小鄉三縣



唐望武德元年改澮州二年改北澮州四年州廢三縣併入絳州翼城天祐二年復名澮

五代舊通志後唐徙治玉逢寨即今治

宋上復名翼城縣隸絳州

金興定四年七月陞為翼州以垣曲絳縣隸焉元光二年陞為節鎮軍曰翼安

元下復名翼城縣隸絳州

明洪武初改隸平陽府

國朝因之編戶舊八十四里今二十里

汾西縣

府西北一百八十里

漢彘縣地屬河東郡

後漢永安郡地

魏晉屬平陽郡

北魏曰臨汾併置汾西郡

隋開皇初郡廢十八年縣改汾西大業初隸臨汾郡又

有後周新城縣開皇十年省入義寧元年隸霍山郡

唐中武德元年隸呂州貞觀十七年州廢隸晉州明一  
統志開元後縣徙治厚義村

五代

宋中歸舊治隸平陽府

金次畿

元下隸晉寧路

明隸平陽府

國朝因之雍正二年改隸隰州九年仍隸平陽府編戶

舊一十五里今六里

靈石縣

府北二百四十里

漢太原郡介休縣地

隋開皇十年始析置靈石縣屬西河郡明一統志傍汾河開道得瑞石因置縣屬介州割介休西南地以益之義寧初屬霍山郡

唐上初屬呂州貞觀中州廢屬汾州

五代

宋中

金貞祐三年割隸霍州四年五月復隸汾州

元下隸霍州

明初隸霍州萬曆二十三年改隸汾州府四十二年改

隸平陽府

國朝因之編戶舊二十五里今五里

霍州府北一百四十里

夏禹貢岳陽地

周霍伯國後為彘地春秋屬晉博物記永安有呂鄉呂甥邑也

漢河東郡彘縣莽曰黃城

東漢陽嘉三年更名永安仍隸河南郡

魏晉隸平陽郡

北魏真君七年併入禽昌正始二年復治仇池壁建義元年置永安郡治永安城

隋開皇初廢永安郡十六年置汾州十八年改為呂州

縣曰霍邑大業初州廢縣隸臨汾郡義寧元年置霍山郡

唐上武德元年更名呂州貞觀十七年州廢以霍邑隸

晉州

宋中屬平陽府

金次畿貞祐三年七月陞為州以趙城汾西靈石隸

焉興定元年七月陞為節鎮軍曰鎮定

元為下州置霍邑縣州領霍邑趙城靈石

明省縣入州隸平陽府

國朝因之編戶舊三十里今五里

潞安府地表

總部

郡國

州縣

夏

冀州

商

冀

黎

微

周

并

黎



潞

曲梁

晉

長子 純留 銅鞮 壺口

韓

上黨

秦

上黨郡

漢

并

上黨郡

長子 屯留 余吾 銅鞮

後漢

并

上黨郡

長子 屯留 銅鞮 襄垣

襄垣 壺關 潞 猗氏

壺關 潞 猗氏

魏

并

上黨郡

晉

并

上黨郡

潞屯留壺關長子

銅鞮襄垣

北魏

并州

上黨郡

屯留長子壺關猗氏

樂陽

鄉郡

襄垣銅鞮

襄垣郡

襄垣五原建義刈陵

北齊

上黨郡

後周

潞州

韓州

隋

冀州

上黨郡

上黨長子潞城屯留

襄垣黎城銅鞮

唐

河東道

潞州 大督府

上黨壺關長子屯留

潞城襄垣黎城銅鞮

五代梁

潞州 匡義軍

後唐

潞州 安義軍

後晉漢州

潞州 昭義軍

宋 河東路

隆德府 昭德軍節度

上黨屯留襄垣潞城

金 河東南路 潞州

上黨壺關屯留長子

潞城襄垣黎城

元 河東山西道 肅政廳訪司 晉寧路潞州

上黨壺關長子潞城

屯留襄垣黎城

明 山西布政司 潞安府

長治長子屯留襄垣

潞城 壺關 平順 黎城

國朝

山西布政司 潞安府

長治 長子 屯留 襄垣

潞城 黎城 壺關 平順

潞安府

禹貢冀州之域商時為黎國殷季都朝歌為畿內地周為潞子國逐黎侯而有其地晉滅潞仍立黎侯後屬晉戰國時為韓之別都後馮亭以上黨歸趙秦置上黨郡治壺關城漢因之治長子城後漢末徙治壺關城晉治

潞縣石勒分上黨置武鄉郡慕容儁時上黨郡治安民  
城後徙壺關城北魏皇始元年徙治安民真君中復治  
壺關又延和二年置鄉郡建義元年置襄垣郡後周置  
潞州隋開皇初廢上黨郡大業初復置治上黨郡唐武  
德元年改為潞州二年治總管府領潞澤沁韓蓋五州  
貞觀元年置都督府八年置大都督府十年又改為都  
督府十七年廢韓州以所管襄垣等五縣屬潞州開元  
十七年置大都督府領慈儀石沁四州天寶元年改為

上黨郡乾元元年仍為潞州大都督府治上黨縣建中初  
徙昭義節度於潞州遂稱昭義軍五代梁末帝時屬梁  
改曰匡義軍唐改曰安義晉復曰昭義軍宋太平興國初  
改昭德軍領河東路兵馬鈐轄兼提舉澤晉絳州威勝軍屯  
駐泊本城兵馬巡檢事

通考二年以銅鞮武鄉二縣屬威勝軍

建中靖國三年

改潞州為軍崇寧三年陞為隆德府仍名昭德軍節度七  
月置交子務金為潞州天會六年以節度使兼潞南遼沁  
觀察處置使元初為隆德府行都元帥府事太宗三年復

名潞州為下州隸平陽路明以上黨郡省入潞州洪武九年  
直隸山西布政司嘉靖八年陞為潞安府治長治縣  
國朝因之統縣八

長治縣

附郭

秦上黨郡治壺關城

漢為壺關縣地後漢志壺關有黎亭故黎國注云文王  
戡黎即此北魏志漢末上黨郡壺關城

魏



晉仍為壺關縣地

北魏真君中為上黨郡治太和十三年復置壺關縣  
後周置上黨郡於此

隋開皇初郡廢始置上黨縣大業初復置郡廢壺關入  
焉舊唐志隋析壺關置上黨縣

唐望屬潞州武德四年又析置壺關縣

五代

宋望為隆德府治

金倚潞州治

元下至元三年併錄事司入焉

明初省上黨縣入州為潞州治嘉靖七年陞州為潞安

府十年置長治縣

國朝因之編戶舊一百七十里今一百十二里

長子縣

府西南五十里

周太史辛甲所封左傳晉人執衛行人石買於長子杜

注今屬上黨郡

漢置長子縣為上黨郡治

魏

晉隸上黨郡太原中慕容永據此

北魏普泰中分長子寄氏置樂陽縣

北齊二縣俱廢長子縣亦廢

隋開皇九年置寄氏縣十八年改為長子

唐緊

宋中

金

元下

明隸潞安府

國朝因之編戶舊九十三里今三十一里

屯留縣

府西北五十五里

周左傳晉執孫蒯於純留杜注今上黨郡

漢置屯留縣屬上黨郡師古曰屯音純

魏晉仍舊

北魏隸上黨郡地形志有屯留城建義元年析置五原  
縣

北齊縣廢

隋開皇十六年復置隸上黨郡

唐上武德五年自霍壁徙今治避諱改曰屯留

五代

宋上

金

元至元三年省入襄垣縣十五年復置隸潞州

明洪武元年隸平陽路九年復隸潞州嘉靖十年隸潞安府  
國朝因之編戶舊五十五里今二十二里

襄垣縣

府西北九十里

秦置屬上黨郡以趙襄子所築故名襄垣

漢因之恭曰上黨亭

北魏隸鄉郡有襄垣城建義元年又析置襄垣郡併襄  
垣縣為郡治領襄垣五原建義列陵四縣

北齊廢襄垣郡

後周置韓州

隋大業初州廢縣仍屬上黨郡

唐上武德元年於縣復置韓州領襄垣黎城涉銅鞮武

鄉五縣又割并州之榆社來屬三年置甲水縣仍以

榆社屬榆州六年割沁州之銅鞮來屬九年省甲水

縣貞觀十七年廢韓州以襄垣等五縣隸潞州

五代

宋上隸隆德府

金隸潞州

元下

明隸潞安府

國朝因之編戶舊十里今二十八里

潞城縣

府東北四十里

周春秋時潞子嬰免國後屬晉

漢置潞縣隸上黨郡



後漢上黨記潞濁漳也縣城臨潞

魏

晉上黨郡治

北魏真君十一年改曰刈陵隸襄垣郡

隋初廢開皇十六年置潞城縣隸上黨郡

唐上隸潞州新唐書天祐二年更曰潞子

宋上仍名潞城縣隸隆德府

金隸潞州

元下

明嘉靖七年析潞城置平順縣隸潞安府

國朝因之編戶舊八十一里今二十六里

黎城縣

府東北一百一十一里

漢上黨郡潞縣地

晉隸上黨郡

北魏刈陵縣有黎城隸襄垣郡隋志後魏以被誅遣人

置舊通志北齊改屬武鄉郡後周併入襄垣少謚

隋開皇十八年改名黎城隸上黨郡

唐上新書天祐二年更名黎亭

五代

宋天聖三年徙治縣中南白馬驛熙寧五年省入潞城

縣元祐元年復隸隆德府

金隸潞州貞祐三年改隸崇州

元至元二年併涉縣偏城等十三村入焉仍隸潞州為

下縣

金史地理志卷三  
明隸潞安府

國朝因之編戶舊三十七里今二十四里

壺關縣

府東二十五里

周左傳赤翟潞氏奪黎民地杜注黎氏黎侯國上黨壺  
關縣有黎亭

漢始置壺關縣上黨郡

後漢末嘗徙郡治於此

魏

晉為壺關縣後罷慕容儁時自安民城遷郡治於此

北魏太和十三年復置壺關縣隸上黨郡明一統志後  
魏移縣治潁陽關

隋析壺關置上黨縣大業初省入上黨

唐上武德四年析上黨置壺關縣治高望堡貞觀十七  
年移治進流川即今治 按舊唐書進流川明一統  
志舊通志胥作清流川

宋中隸隆德府

金隸潞州

元下

明隸潞安府


國朝因之編戶七十九里今十里

平順縣

府東北七十里

明以前沿草同潞城本潞城之東南境兼壺關之東鄙  
澤川陵川之北鄙嘉靖七年析其地置平順縣隸潞  
安府

國朝因之編戶舊三十二里今一十七里



山西通志卷三